



KEMENTERIAN PEMBANGUNAN
USAHAWAN DAN KOPERASI

SIARAN MEDIA

KUSKOP PERTEGUH EKONOMI MEMBAKUT: SANTUNI ASNAF, GERAKKAN STRATEGI A.B.C.D

MEMBAKUT, 14 MAC– Seramai 614 orang penerima bantuan yang terdiri daripada golongan asnaf dan pelajar tahfiz telah menerima sumbangan berjumlah RM 61,800.00 sempena Majlis Iftar Ramadan anjuran Kementerian Pembangunan Usahawan dan Koperasi di Membakut hari ini. Sesi penyerahan telah disempurnakan oleh YB Timbalan Menteri Pembangunan Usahawan dan Koperasi, YB Datuk Mohamad bin Alamin.

Selain itu, sebanyak lapan buah masjid dan 21 buah surau turut menerima sumbangan berjumlah RM 36,000.00 yang bertujuan membantu infrastruktur institusi keagamaan sentiasa berada dalam keadaan kondusif untuk keselesaan komuniti setempat. Kesemua sumbangan ini dijayakan menerusi kerjasama Pejabat Parlimen Kimanis dan Dana Zakat Bank Rakyat.

YB Datuk Mohamad Alamin dalam ucapannya berkata penglibatan KUSKOP melangkaui aspek pembangunan perniagaan, malah turut mendukung aspirasi Kerajaan MADANI dalam merapatkan jurang ekonomi rakyat. Bagi merealisasikan hasrat tersebut, KUSKOP telah memperkenalkan Strategi A.B.C.D yang memfokuskan kepada Anjakan Produktiviti, Birokrasi Dipermudahkan, Capaian kepada Modal, dan Daya Akses kepada Pasaran. Strategi ini dirangka khusus untuk mentransformasi usahawan dan koperasi luar bandar agar lebih kompetitif serta mampu menjana pendapatan secara jangka panjang.

Tambah beliau lagi, daya tahan ekonomi luar bandar terus diperkukuh melalui sinergi strategik yang dilaksanakan menerusi agensi-agensi di bawah KUSKOP. Antaranya, Suruhanjaya Koperasi Malaysia (SKM) yang membimbing koperasi

menjana pendapatan lebih tinggi, Bank Rakyat dan TEKUN Nasional menyediakan pembiayaan yang mudah dan cepat untuk usahawan. Usaha ini turut dibantu oleh Amanah Ikhtiar Malaysia (AIM) yang fokus memperkasakan usahawan wanita melalui modal perniagaan tanpa prosedur yang menyukarkan.

KUSKOP komited memperkukuh peranan strategik dalam membina ekosistem keusahawanan dan koperasi yang lebih dinamik, bagi memastikan komuniti usahawan dan gerakan koperasi kekal berdaya tahan serta mampu mendepani cabaran ekonomi masa hadapan.

Hebatkan Perniagaan Malaysia!

KEMENTERIAN PEMBANGUNAN USAHAWAN DAN KOPERASI
14 MAC 2026

MENGENAI KUSKOP

Kementerian Pembangunan Usahawan dan Koperasi (KUSKOP) merupakan kementerian yang bertanggungjawab mewujudkan ekosistem keusahawanan yang holistik dan kondusif bagi menyokong pembangunan sosioekonomi negara yang inklusif, seimbang dan mampan. Fungsi utama KUSKOP adalah menetapkan hala tuju pembangunan keusahawanan negara dan membudayakan nilai serta minda keusahawanan dalam masyarakat Malaysia.

SENARAI AGENSI KUSKOP

BIL	AGENSI	FUNGSI
1.	Suruhanjaya Koperasi Malaysia (SKM)	Agensi pembangunan dan kawal selia sektor koperasi
2.	Institut Koperasi Malaysia	Institut latihan bagi pembangunan dan pendidikan koperasi
3.	SME Corp	Agensi pembangunan Perusahaan Mikro, Kecil Sederhana (PMKS)
4.	TEKUN Nasional	Agensi pembiayaan mikro dan perkhidmatan sokongan keusahawanan
5.	Institut Keusahanan Negara (INSKEN)	Agensi pembangunan kapasiti keusahawanan
6.	Bank Rakyat	Institusi kewangan yang menyediakan skim pembiayaan keusahawanan dan Perusahaan Kecil Sederhana (PKS)
7.	SME Bank	Institusi kewangan pembangunan bagi perusahaan kecil dan sederhana
8.	UDA Holdings Berhad	Agensi pembangunan hartanah dan pengurusan aset
9.	PERNAS	Agensi pembangunan industri francais
10.	Amanah Ikhtiar Malaysia	Agensi pembiayaan dan fasilitasi keusahawanan kepada golongan berpendapatan rendah